

甌

甄

洞

藁

旣甌洞藁卷之三十

武昌吳國倫著

始安張鳴鳳校
新安方尚贊校

五言絕句一百七十九首

送友人從軍四首

談經不得意投筆遠從戎
一入嫖姚幕先稱檄草工

其二

代馬捷如龍揚鞭日千里
橫行沙漠間稍雪男兒恥

其三

單于寇朔方虎士莫言強
長纓在君手親縛兩賢王

其四

卷之三十一
悲歌出塞曲慷慨從軍行但醉葡萄酒莫聞邊馬鳴

閨怨八首

少婦惜年芳不知春晝長偶看花漸落羞自理紅妝

其二

臂挽雙角弓身騎五花馬年年隴水西歲歲長城下

其三

陌上采桑還逢人半羅綺聞郎挂鐵衣遠在龍城裏

其四

何處白狼河春愁萬里多十年書斷絕惟有夢魂過

其五

憶自新婚別長征未擬還苦寒人易老寧復記紅顏
其六

一片秋空月閨中夜擣衣如何南鴈去不見北書歸
其七

聞道交河戰全軍奏凱還豈應封拜日不度玉門關
其八

顧眄東西鄰窮年樂相守封侯豈不榮所願在箕帚
宮怨八首

華月麗金屋疎星臨綺窻徘徊星月散無語對銀缸
其二

夜宴昭陽罷傳呼御輦過六宮俱望幸何處獨笙歌

其三

寂寞長門裏春來樹亦芳可憐芳樹色也解惜紅妝

其四

紈扇題難就霓裳舞未諧秋風吹落葉一夜滿空階

其五

曉拭芙蓉鏡寒生翡翠樓玉容虛自照珠箔爲含愁

其六

春鳥鳴高林秋蛩響幽砌獨有空閨人不知歲年逝

其七

自罷芝房奏常含桂殿思惟應御溝水流入影娥池

其八

朱粉了不施閒調青羽雀慧語在雕籠何如草蟲躍
惆悵詞四首

人言種玉難不如種花好誰道同心花變作斷腸草
其二

萋蘿附青松恨不日千尺常恐歲寒時綢繆不如昔
其三

昔聞秦女簫吹時能下鳳蕭史不重來月明好誰弄
其四

鴈去忽已反君來杳無期惟應化松柏與結千歲脂
子胥城

入郢師何壯浮江骨已銷至今殘堞裏惟有野雲飄
甘寧墓

坐扼長江險將軍自虎臣青山埋俠骨荒塚亦磷岫
孟嘉墓

爲問陽新令誰知孟氏賢孤墳不可弔虛識永和年
謝公祠二首

古祠依鷺渚疎柳過漁舟不是名賢寓誰知水郭幽
其二

樹杪千峯躍城頭二水環當年讀書處不忝是東山
病中作

對客醒時少憂生病日多孤踪藥餌寄萬事酒杯過
青陽驛阻淺

利涉非吾計窮途處處逢片帆飛不去箕坐數前峯
詠天池

一勺天池水星河此竝流老龍聽法去爲澤遍神州
聞笛

羈旅不堪夜笛聲那可聞風吹折柳怨散作楚江雲
署傍小園初闢二客過飲

爲園新種竹不讓野人居客至旋沽酒官貧好著書

昌邑田家卽事二首

竹逕穿田入荆扉傍水開誰知持法吏亦作問農來

其二

抱甕誰家婦攜兒學灌田 君王如賜帛合向爾曹

先

晚過喬園二首

西鄰客已醉此境到何遲一逕斜陽色羣芳過雨時

其二

不是高陽里如何酒伴同狂歌脩竹畔散步落花中

答李丈

白首凌雲氣紅塵混俗身未辭彭澤去猶是折腰人
齋中對羣卉十詠

移花滿齋閣閉閣花相憐倉庚有何意忽忽鳴我前

其二

小筍抽綠玉脩篁拂青雲風雨箨滿地片片皆龍文

其三

叢蘭白幽芳豔桃嬌不持濃澹各有適合情好向誰

其四

鳴鳩拂其羽鳴我芳樹叢君子有所思乃在江之東

其五

庭開五色花藤擁雙稚子將酒醉而翁花意亦爾爾

其六

結束坐公府羣吏走相迫逃之衆卉間居然靜者宅

其七

臥治非曰能神遊亦苦遠攬衣遶花石春雲信舒卷

其八

開軒弄明霞抱甕汲新瀑誰知此一區可以縱遊目

其九

接樹亦奇技吐華非故根物性若將戕天工安所存

其十

紅紫不相奪榮謝亦有期古來達觀者爲樂能及時
與子畏談後有感寄徐使君二首

天中望天目但有浮雲翔白日隱其端誰能測短長

其二

汝
世戶徐侯挽不來一春沙草色荒殺景夷臺

重過茶洋觀泉二首

歇馬倦無奈登亭境復幽花間晴雪沸竹裏暮雲流

其二

懸泉聲不斷山館入淒清起詠滄浪曲居然勝濯纓

送阿端

小字無忌二首

日日呼無忌西齋讀父書
祗緣歸計促忽忽涕漣如

其二

五載南中臥羣愁藉汝寬
亦知非久別岐路忍相看

偶題五首

素質皎易污青蠅來何辭
吾躬苟不直多口良吾師

其二

許由竊皮冠曾參操血刃
疑端豈終釋古心但自信

其三

黃鵠摩天舉羣鳥紛啾啾
相彼亦何意仰視非其儔

其四

熒熒寸心赤自謂可照天燭龍闕九陰精光誰爲然

其五

好醜不自見險夷從所遭我生固有命之子毋乃勞

又五首

五載樵陽牧褒書與薦書不知飛一語聲價定何如

其二

聞道讒書入 君王置篋中似能憐季布又 詔守

河東

其三

卷之三十一 十一

明月持為鏡臨粧忽自悲出宮猶見妬何計掩蛾眉

其四

抱病歸無計驅馳畏路深不緣銷骨語那遂乞骸心

其五

不獨和光晚由來息影遲索居從此逝何用託鴟夷

題梁思伯藕花居

里舍依城僻池軒迫嶺孤千花平玉井六月坐冰壺

夜過吳約卿侍御

避馬人方劇登龍客晏如追歡但今夕何用別來書

酬約卿

白筆愁驚世清樽巧避名投予自雙壁何敢愛連城
許生以醫術訪予蕭寺

逃禪亦逃暑伏枕妙香臺不是韓康伯何人賣藥來
宿清江

空館雲猶濕高江月正新蕭然一杯酒愁殺故園春
清江晚行

曲曲清江岸寒帷入遠天歸雲雙鳥下落日數峯懸
武陵逢於信夫贈之四首

君住武夷曲溪雲結釣臺桃花何處色不入酒杯來
其二

嶽怪遊梁客清時納綬還却隨唐善卷高枕大龍山

其三

垂白容如玉還丹術已真可知騎馬客不及捕魚人

其四

久無城府跡爲我一披衣聽罷幽蘭曲依然踏月歸

過七盤嶺七首

驅馬度層嶺馬鳴知轍軻欲舒千里足其奈七盤何

其二

萬山躋不極忽削半峯飛一線羊腸路懸空上翠微

其三

步石如步虛懸輿若懸綆上欲排天閣下疑墮空井

其四

白雲在山下大鳥飛不來尺步難爲力寸心中自摧

其五

前足却後足後踪躡前踪遲回數盤下下見千仞峯

其六

下盤無息踵倚石坐山腰亂瀑如雷墮僕夫魂盡銷

其七

石梯斜引棧雲磴曲旋車宛轉扶筇過艱危亦自如

麻哈江

地割雙崖險江吹萬石流桃花半開謝不著捕魚舟
落梅歎二首

忽忽春無力梅花作雪飛誰能萬里外聞笛不思歸
其二

昨日花滿枝今日花滿地愁殺詠花人東風有何意
飛絮

東風柳初條飛絮亦何早幾日春已殘那不令人老
過清平與王幼明言別十首

夜郎五尺道羅夷宅荆蓁川嶽苞靈光千載鍾異人
其二

昔交孫山甫今見王幼明相輝兩琪樹竝價五都城

其三

幼明何瑰奇束髮事墳典一目下五行十年破萬卷

其四

讀書悟斲輪縱筆如抉鞅射策英妙年致身青雲上

其五

致身豈不早行路良獨難蛾眉本誨妬何以結古歡

其六

仕宦不遇合棄之一敝屣耦耕石戶農問道廣成子

其七

結廬南山阿種藥南山下藥苗長如雲彷彿具茨野

其八

學道自有真求友良非偶不作域外臣安得丘中叟

其九

巖穴老斯人真宰獨何意巢由自一區不爲唐虞葉

其十

我車駕言邁長當與子辭五嶽一卷石白首聊爲期
同徐行父遲唐憲使適阻大風不得渡河行父
有作走筆答之

一線青陵道三門白水河問津無客至且聽大風歌

荻菊堂

佳是徵君宅居然松菊堂總知歸去好無地不柴

買菊四首

山中灌園子搗菊換金錢沽酒飲其華將無學延年

其二

市上買菊華猶帶園中上誰知倦遊人亦作梁園主

其三

九日已云邁黃花猶媚人移來傍虛閣種種如所親

其四

銜杯視藜菊種異香亦異綽約霜露姿形神兩相寄

二月九日還過三江口愴然有感因示工兒

是日

牧兒生忌而三江口
又工兒哭第覆舟處

今昔三江口存亡一寸心旅魂驚浪絕哀思與春深
夏日同方聖休俞敦甫暨無忌無傷兩兒泛湖
入梧塘舟中卽事五首

浩蕩南湖水飄颻一葦過長天孤鳥沒落日遠山多
其二

輕舠小於葉安穩坐空明不比航江海時時風浪驚
其三

鳧鷖各有匹葭菼自爲林何處弄漁笛蕭然諧我心

其四

谿頭千仞石流彩使人驚直似霞標起推蓬近赤城

其五

霞外衆山出浦南千樹芳徘徊應緩棹風景在陂塘

答曹伯舉二首

能詩如伯舉亦復困功曹自與傭書伍寧辭抱牘勞

其二

聞君負奇節白眼世人前狗監何時遇銜杯獨問天

張端孟齋中產芝草因圖其形來索詩贈之二

首

青山抱書處雲氣忽森森旋結三芝館高懸八桂林
其二

神艸亦何異霞英五色重展圖看不定如馬忽如龍
翫池中假山八詠

波上石嶙峋兼之百卉新亦知山是假霄壤孰爲真
其二

爲山本人力奇形亦天造只似陶朱公一池開九島
其三

羣峯互爭高一水僅旋艇幽意與之洽宜醉亦宜醒
其四

輕舸遶山麓來往不移時一線桃花渡漁郎那得知

其五

登臨日不厭只在小山裏上有三石梁下有百花水

其六

花開山有文花落水成錦獨立雲可招閒眠月堪枕

其七

山影時動搖芙蓉浸池底須臾見雲霞飄忽洞中起

其八

峯頭縱遐矚洞裏息塵機所以陶元亮愔然悟昔非

舟中卽事嘲丘謙之二首

豈向陽臺去翻攜漢女來但聽金縷曲便醉玉蓮杯

其二

去國鴟夷子扁舟載美人招搖過楚峽神女莫相嗔

郢中雜歌十二首

紫氣鬱高空金題元祐宮自從天子出誰不頌神

功

其二

郢邸故宮留千年王氣浮由來江漢水環遶帝王

州

其三

自是興王地均沾湯沐恩如何諸父老斜日閉荒村

其四

寢園三十里嘉樹鬱蒼蒼不有樵蘇禁誰知是帝

鄉

其五

憶自分茅日王旧半郢疆龍飛已三世猶說內家

莊

其六

校卒馮專閫祠官領侍中政門紛自闢不比漢新豐

其七

咄咄貴家奴鳴鑣出郢都爭馳狹斜道不讓羽林孤

其八

蘭臺不知處但挹楚王風卻是山川勝能令賦筆雄

其九

白雪非新曲陽春自古臺和歌人不見弦管發餘哀

其十

偶作石城遊無心喚莫愁平堤踏歌女笑我雪蒙頭

其十一

萬戶依南郭倡家與酒家東風吹不歇愁殺竟陵花

其十二

白面誰家子揚鞭踏落花千金買良夜醉舞之

聽戴生彈琴

茂林新雨歇客子抱琴過曲罷微風入冷然幽意多
二月望日園居對雪四首

寒氣薄春衣春陰黯洞扉朝來花漸發暮與雪同飛
其二

郊園春已半何處不芬芳一夜峯頭雪偏能妬豔陽
其三

夕沼魚爭躍晨林鳥不飛怪來風雪甚容易減春暉
其四

巖際雪成錦樹頭花欲冰
移樽入孤舫猶似剡谿乘
友人程汝良五十二首

行年纔半百雙鬢遍江湖
市隱兼儒術何言不丈夫
其二

髮黑面如童居然方外風
可知塵想息便與守丹同
蓮華菴新成四首

池中開淨蓮池上規淨土
小結摩尼菴良當水月府
其二

開社臨滄浦聽經臥茂林
辟支元幻應自在卽禪心
其三

芙蓉新出水爛熳擬天花故遶茅茨屋悠然大士家
其四

昔者陶元亮攢眉赴白蓮若知花是佛何礙酒爲禪
覺上人誦持蓮花菴贈之四首

未證三摩妙那知四大尊高僧說法處半畝亦雞園
其二

僧來本無意僧住亦無營池上繙經坐霄然雲水情
其三

吾豈善知識逢師一問津但明童子性勿現宰官身
其四

誰能頂佛足汝獨抱禪心三昧本無量高眠雙樹林

風巖

如何一石穴噫氣羣山鳴萬虎嘯幽澗劃然山鬼驚

尹喜巖

問道青牛後藏真紫氣間巖棲高萬仞那復戀函關

臥龍巖

巖間吐真氣下有老龍眠起作元君馭猶堪遍八埏

黑虎巖

黑帝驅黑虎山行辟妖魔至今巖谷裏時有猛風過

白龍巖

白龍行雨歸，但與白雲住。只怪此山中，鱗甲皆玉樹。
凌虛巖

絕澗不可渡，中有誦經臺。豈應緣筏去，學得駕雲來。
妙華巖

天女散天華，山成九色霞。古來人迹少，只可住僊家。
滴水巖

山中玉乳泉，細瀉玉龍口。一軟清我心，六塵復何有。
磨鍼澗

抱杵臨澗濱，成鍼豈其易。非有金石心，疇知神女意。
鬼谷澗

澗水落潺潺因風振珮環不知棲鬼谷何似訪神山

青羊澗

白石化青羊羣眠綠澗傍初平時一叱大半起爲梁

金雞澗

老樹圻危崖懸泉響靈谷上聞金雞鳴下有金雞浴

慧山寺觀第二泉二首

古寺已蕭條松風時謾謾惟茲石上泉一醒遊人目

其二

山躍九龍來泉奔萬珠瀉品泉者爲誰倒置中冷下

酹子與墓感歎七首

生死見交情那辭犯險行可憐千里駕無復故人迎
其二

孤舟疑訪戴迢遞越溪來隱隱少微見如何不可哀
其三

茗水綠如雲郊村水上分一丘傍東郭云是大夫墳
其四

霄上一抔土松間八尺碑總知名不朽身世益堪悲
其五

我登天目堂不見天目主篋笥殘遺編傷哉滄如雨
其六

脩文應待汝接武竟何人
灑淚吳雲濕江天慘不春
其七

中原纔六子凋謝已無多
光景嗟馳電吳郎奈汝何
上新河雜詠八首

泊舟新林浦遙見牛首山
牛首多白雲持杯已堪攀
其二

宛轉三新河風生水不波
鳴笳官舫出吹笛酒船過
其三

呼醪亦何濁煮茗但成滓
縱有武昌魚不烹建業水
其四

花濃白板橋處處綺羅嬌玉樹非新曲遺風似六朝

其五

金陵盛遊冶強半及姑蘇慷慨誰家子揮金醉博徒

其六

千家女如雲萬室花如錦挾瑟調新聲勸郎花下飲

其七

莫問前朝事但看江上臺平明拾翠去薄暮踏歌回

其八

賈櫓集如林三老暮爭泊月出起看天且避風濤惡

題白雲贈僧

白雲本無心空山不知處偶爾風送來還隨錫飛去
張使君郡齋吏隱亭新成邀集四首

老樹斜穿屋幽籬晚著花蕭然官署裏風景似山家
其二

退食無塵事披衣過草堂遶亭新種樹勿翦是甘棠
其三

水石諧清賞茅茨見素風偶來拚一醉誰獨笑山公
其四

新瀆功德水小作放生池一鏡涵齋閣應留去後思
抱孫志喜四首

亦解遺清白耆年始抱孫蘭湯生喜氣弧矢壯衡門

其二

至後陽新復孫枝晚自憐聊娛右軍目豈必仲舒賢

其三

祖德慚無述孫謀安所貽命名將犬馬且進掌中卮

其四

豈是風神異能符匹練升傳家惟素業何敢望飛騰

文錦閣望霽雪二首

孤城雪已霽萬井氣如春獨鶴橫空下僊僊似洛神

其二

積霰不盈尺亂峯爭近人
樹頭花漸落雲物自精神
六言詩三十一首

贈包護軍鼎臣四首

上馬橫戈耀日下馬草檄成雲
誰識瘦羊博士居然
飛騎將軍

其二

學劍不當萬敵學書何用
一身但少黃金結客非關
赤羽疑人

其三

莫訝千秋易相休嗟李廣難侯
出門劍光凜凜知爾

報讎

其四

孺子偶逢黃石兵家虛領白猿贈君彩虹千尺應手
繫作縶絆

齋中偶詠二首

絕域偏容高枕經年不覩除書法案藉爲經案官居
何異僧居

其二

旋緝茆垣護竹閒提石甕麝花呼酒卽稱勝事閉門
知是誰家

登分署後山小飲四首

遠院峯陰突兀分庭樹色溲溲雙鶴載鳴載舞一樽
自勸自歌

其二

小閣懸臨萬象危峯自占一鼇誰信抱書爲吏還能
閉戶登高

其三

城郭家家厭雨山川面面出雲天畔老夫獨坐閣中
野色平分

其四

樽盡萬山垂暮竹深五月如秋薄霧將舒忽卷醉翁
欲去還留

偶題東友人二首

世事狐狸埋狐搯物情狙喜狙嗔雙足正如飛藿一官
何但積薪

其二

左髀難攝右髀東顰強效西顰只可棲棲卒老卹能
碌碌因人

沅陵放舟四首

策馬山行顛頓呼舟水泛憑陵萬里歸心如駛五溪

秋色難勝

其二

溪穿小酉大酉舟解戩牯牯
牯蓬底石飛象馬灘前
浪跋鼉鼉

其三

潦積灘平如掌雲依岸曲爲環
永夜啼猿一枕西風
落葉萬山

其四

風候不知順逆山形迴欲飛
寒鴛伐鼓朝辭瓠石鳴榔
暮入桃源

病眩時口占五首不知其詩也夢也姑次而存

之

兩耳時鳴天鼓百骸真逼火城欲叩金漿自潤還疑
寶訣難行

其二

枕上萬形都替夢中百鬼偏親偶爾縱聲叱咤猶然
抱膝呻吟

其三

冥眩初回生氣沈冥反似醉鄉苦性難移甘性藥腸
元是酒腸

其四

跂足三蟲欲去甘心二豎思遷幸免黃熊作祟將無
白鶴成僊

其五

兀兀乾坤頽洞茫茫壽夭幾微總類朝榮夕槁誰分
雌伏雄飛

過虎耳巖訪不二和尚語次四首

雪滑羊腸助險雲深虎耳名巖一榻棲形土石諸天
幻迹松杉

其二

聞有如三大願來參不二法門星應西來高士天假
南無世尊

其三

住世心同出世閉關功在開關煩惱或生天界菩提
反在人間

其四

究竟有空卽相本來何妄非真舍筏便超苦海循途
恐涉迷津

發舟東遊兼別北園二首

春水放船飄忽野雲送客綢繆竊比歸吳張翰還同

訪戴王猷

其二

客夢已馳東海鄉，心猶滯北園。總負三春百卉，偏騎
萬里一樽。

夜泊湖州，仲美被酒，溺水舟人起之，戲贈四首。
詞伯欲克河泊鮫人，將困酒人。若使方郎不反，誰其
問諸水濱。

其二

天目東南勝槩，嘗川今古清流。醉夢不知何處，魚龍
好與同遊。

其三

濯髮不須湯谷懸壺休訝呂梁東海波臣復起西川
浴佛重光

其四

已向波心弄月俄從沙畔呼天甘讓汨羅騷鬼還輸
采石醉仙

甌甌洞藁卷之三

瓶瓶洞藁卷之三十一

武昌吳國倫著

始安張鳴鳳校
新安方尚贊

七言絕句一百二十七首

春江詞八首

樓頭小婦拭春衣
昨日看花今日稀
暮雨偏深碧草
色東風不送王孫歸

其二

繁花幾樹傍江潯
蕩槳回看似錦林
片片落浮江面
去枝頭誰見可憐心

其三

折柳溪頭聞杜鵑
灌花臺上望歸船
不爭十日花禁
老奈可三春柳未眠

其四

春江浪高高壓山
蛟龍日夜吼江關
獨有涉江人不
畏峭帆東去又西還

其五

今春江色勝前春
桃李花時作意新
落盡未歸遊冶
子看來愁殺浣紗人

其六

朝朝暮暮漢江頭
雨雨風風殊未休
多少春情寄江

浪舳艫街尾下揚州

其七

牽江遊綵何大長
隔浦落絮斷人腸
鷓鴣啼雨出松
塢燕子銜春巢杏梁

其八

白雪團爲柳絮飄
黃雲散作麥花搖
不知鏡裏容華
歇日倚江門望洛橋

明妃曲六首

奉詔平明出漢宮
鸞車萬里獨和戎
君王一顧恩多
少只是紅顏負畫工

其二

漢家百萬羽林師遣妾和親妾未知縱使單于遵漢約玉容難比入宮時

其三

五彩織絲耀日光入宮曾刺五雲裳一朝篋笥無顏色恥向旃裘理故妝

其四

西風攬鏡獨含悲尚憶宮門望幸時幾日邊塵吹滿面不教胡女妬蛾眉

其五

玉關西去馬長鳴，不獨琵琶作苦聲。
最恨胡兒誇往事，漢家曾困白登城。

其六

胡風吹雪暗陰山，馬上驚逢漢使還。
爲報君王休北顧，六宮猶自有紅顏。

送元美使淮便過吳中四首

翩翩征蓋出皇都，駐馬重傾白玉壺。
共道相如能使蜀，誰知張翰復歸吳。

其二

天際孤帆截海過，三江雲樹隔煙波。
廣陵明月誰同

醉定倚高樓一放歌

其三

洞庭橘柚富千頭江上鱸魚及早秋
試上蘇臺望震澤樓船還似昔人遊

其四

吳下風流本自多蓮塘桂楫戲清波
風前孺子滄浪曲月下佳人白苧歌

九日同于鱗子與賦

秋深木落鴈南飛客裏風霜又授衣
燕市酒酣聊共賦龍山家在未能歸

送子相移疾歸廣陵二首

淮南落日半江明
江上寒潮萬里生
遙夜懷人意何
恨一帆秋雨傍蕪城

其二

少年結客重燕京
別去猶牽萬里情
寶劍銀鞍生俠
氣胡笳羌笛動邊聲

送李師孟僉憲分巡浙江二首

萬里秋風動薊門
酒酣君往獨銷魂
江南萬戶今流
血諸道衣冠總漢恩

其二

簷垂... 卷之三十一
武林城郭海雲蟠曾上江樓倚醉看一片潮來天地
白何人知是郢歌寒

送于鱗還郡二首

千門楊柳暗燕關不繫邢州五馬還寂寞孤城君更
臥白雲愁殺太行山

其二

東風片片下榆錢立馬看春倍可憐君去不堪仍北
望故人零落薊門天

太白樓二首同惟敬子與賦

城上高樓入遠天黃河萬樹起秋煙我來醉枕東山

臥未問當時有謫仙

其二

遷客登樓思轉濃
故人攜手白雲從
樽前不醉任城
月海上虛來日觀峯

戲馬臺

江頭戲馬築高臺
玉勒金鞭雲錦迴
荒艸似憐騅不
逝至今猶使客心哀

雲龍山

雲龍山閣俯彭城
醉裏聞歌激楚聲
霸業已隨陵谷
易黃河不盡古今情

子房墓

留城只在黃山北孤塚離離夕照間
一自赤松辭帝子泗流東去不曾還

亞夫墓

鴻門玉玦豈全非西楚山川王氣微
遺恨城南骨已朽不知垓下漢兵圍

濠上六首

雲母山前王氣濃濠梁飛沫濺諸峯
風雲不散旌旗影猶似高皇駐六龍

其二

三牛城北是淮河西望塗山紫氣多殘堞已非湯沐
邑故宮猶想大風歌

其三

揚州四月羽書飛十萬淮兵戰不歸幾日江風飄白
骨那知少婦理征衣

其四

夫去防河役未停阿儂亦作守陵丁不愁薄命填溝
壑只恐烽煙迫帝靈

其五

樓船使者復南征六月淮陽未問耕羣盜不驚烽火

色居人翻畏棹歌聲

其六

江淮父老莫沾巾
此日轅門將令新
但使羣雄歸鼎
俎不妨諸將畫麒麟

月夜

月白霜寒天欲流
關山此夜不勝秋
豐城劍氣應寥
落虛遣張華問斗牛

酬同伯

宮亭湖上轟芙蓉
雪後還登五老峯
只怪落星寒自
動故人遙夜倚雙龍

答樹德

江上何人憶謫居
鴈過彭蠡數行書
可憐澤畔千秋淚
化作浮雲滿大虛

答用晦

匡山一臥萬峯低
吳楚乾坤望欲迷
五老白雲堪贈汝
天風吹入大江西

答用賓

憶在名園秉燭遊
嬌歌艷舞不知秋
于今只隔章江水
風雨淒其湖上樓

答宗良

唐番清... 卷之三十一
何人吹笛楚江灣
楚客天涯逐未還
隔水畏聞楊柳
曲梅花一夜滿西山

醉石

何人枕石臥廬山
一醉聲名宇宙間
石上白雲今不散
知君元是獨醒還

文殊堂

春來騎鹿遍諸峯
貝闕金乘此乍逢
爲問何人開福地
文殊手植千株松

凌虛閣與桑侍御小飲

廿年聞爾爲遷客
今日予遷爾未還
茲地相逢如不

醉何須江上有廬山

贈賓陽道人

道人手持玉如意朝騎白鹿廬山巔石上逢予但一笑千峯鬱鬱回蒼煙

左別駕攜酒後至

山形突兀楚天低樹影參差客逕迷興發正愁壺易竭那知猶有故人攜

聞子相由選部出叅閩省遙寄二首

馮唐老去未堪憐屈指爲郎漫十年自是承明能厭汝白雲惆悵七閩天

其二

匡廬峯色斗牛間，騎鹿尋僊尚未還。
一望甌閩雲物變，定知君到武夷山。

卓劍池

壽柏亭西卓劍池，僊人曾此斷蛟螭。
至今牛斗沈無色，卽有張華恐未知。

東鄒文學

春來不見鄒文學，醉臥還當第幾峯。
欲遣白衣相問訊，却愁風雨暗芙蓉。

酬劉使君

慙將短髮問流年，嬾拙猶逢長吏憐。
酒罷忽聞雙玉笛，魚龍日暮吼江煙。

送王將軍赴閩二首

征旗獵獵馬如龍，萬里閩天瘴霧重。
但使明珠全入貢，何妨勒石武夷峯。

其二

閩中一夜羽書傳，萬戶蕭條入燧煙。
解贈故人何所有，匣中風雨鬪龍泉。

奉題 弋陽王 敕賜書院

平臺礪石未須攀，邸第新成霄漢間。
一自君恩來

北極常令春色駐西山

五老峯

諸峯歷歷黨青霄五老雲深不可招欲跨峯前九色
鹿直從天路坐吹簫

鐵船峯

天風吹席挂廬峯棹鼓無聲雲漢重一自鐵船飛不
去至今山澤吼雙龍

香爐峯

山煙細細鬱林端散入春陰楚甸寒我欲峯頭瞻北
極香爐不似殿中看

石鏡峯

萬仞峯頭石鏡懸
平臨日月倒垂天
滄江夜色寒相照
下有驪龍不敢眠

紫霄峯

紫氣峻嶒碧漢斜
好憑飛杖立煙霞
臨風一夜吹長笛
落盡江南楊柳花

雙劍峯

南斗雙芒削大空
萬山秋色鬪雌雄
誰應把向天河淬
坐使妖氛淨域中

上霄峯

唐垂洞書
上霄峯影踏吳天石匣丹書總未傳巖下久無封禪
使老人常枕白雲眠

擲筆峯

慧遠風流天下聞經成擲筆墮青雲我來趺坐千松
頂指點潯陽九派分

鶴鳴峯

鶴鳴峯下讀書臺樹杪雙飛瀑布來峯際白雲千古
色昔人乘鶴幾時回

大林峯

匡廬山北大林峯萬仞懸泉百尺松只怪丹梯行不

盡諸天天外更聞鐘

章城寒食懷劉使君

逢君斗酒自爲懽何事春花異地看
曲水蘭亭今寂寞誰從寒食慰加餐

白鹿洞中間李實夫遊天池寄此

爾過東林問虎谿天池猶在石梁西
登高不恐山靈妬爲叱風雲護舊題

九月十四夜劉使君見過

署閣黃花晚自開萬山明月逐君來
吳兒莫唱江南曲恐起當年庾信哀

懷干鱗

渭水秦關天上迴使君持節馭風雷不妨萬里無書
寄紫氣常從西極來

懷元美

六月提兵大海東書生亦作萬夫雄匣中雙劍無顏
色倒吸天河吐白虹

懷子相

九曲溪流繞幔亭峯前海色晝冥冥故人無限中原
思撫劍歌來祇自聽

懷子與

屢塵策馬路俱迷爾得汀江似武溪花落案頭無一事尋仙時過玉華西

寄俞仲蔚

月上姑蘇江水青聞歌江上白雲停醉來莫傍漁磯臥恐有臺官問客星

寄謝茂秦

嗟君懷璧有誰知趙氏連城亦自疑儘道魯連天下士不聞東海蹈何時

寄魏順甫

翩翩黃鵠薊門翔顧侶蕭條轉自傷燕雀不須驕羽

雁挹河梁
翼南冥萬里意茫茫

寄李伯承

別來詩句滿青雲
玉露先從狄掌分
巖穴故人相問訊
平津何客更如君

寄余德甫

吳鈞炯炯燭秋旻
尚憶綢繆贈所親
但使當時顏色在
不妨妻子日嗔貧

寄高伯宗

華陽館前荆棘生
燕京上客自時名
憐君短髮棲郎署
猶向人歌白雪聲

寄張肖甫

燕京一逐酒人遊，意氣偏能隘九州。
歸蜀何須難父老，錦江巫峽爲君愁。

寄汪正叔

水部風流自昔時，燕山易水坐論詩。
榻來萬里傳雙淚，不獨江湖有所思。

章江舟夜

砧杵迎寒動，楚天章門萬戶落。
嬋娟開樽欲醉西山色，鴻鴈一聲江可憐。

留別三子四首

章門春雨近行舟
莫向樽前問去留
一夜愁人芳草色
直隨遷客過江州

其二

曲池亭榭枕龍沙
幾度披衣醉物華
別後芙蓉秋色裏
可能卮酒憶天涯

其三

江雨冥冥江樹蒼
片帆三月度瀟湘
吾將逝矣桃花水
爾莫題書寄夜郎

其四

南浦魂銷未別時
滄浪聞笛是相思
曲中楊柳如堪

折不向秋風續楚詞

潯陽別南康彭澤諸生

九派長江九疊山白雲西送楚臣還諸生自可同陳
蔡敢謂滔滔世路艱

龍江別潯陽湖口諸生

湓浦風高巨浪橫片帆西指鄂王城別來莫作三鱸
頌我欲還山學耦耕

酬張文學送菊

彭澤歸來選欲荒病懷蕭瑟度重陽那知藜菊移仙
署忽使秋容豔草堂

寄懷于鱗四首

聞道齊中老伏生遠攜妻子歷山耕漢家若有傳書
詔使者何從問姓名

其二

自爾辭官入僭宗人間不敢羨登龍浮雲忽起中原
思棄杖高眠第幾峯

其三

海上春風飛騎來百年心事數行栽至今雲氣生懷
袖握管應知五色開

其四

客星一夜散華陽多難王生何處鄉却怪吾徒疎劍
術不如諸俠少年場

寄訊王元美五首

聞君倉卒解兵符北走幽燕東入吳稅駕不知何處
所天門一夜白雲孤

其二

江門灑淚問王郎六月寒濤白似霜可有黃金投俠
窟從他赤眼向詞場

其三

論交原自古人情多難相看白髮生一劍恩讎渾未

報甲中虛使百靈驚

其四

玉門相望黑山戎百戰誰論主帥功此日中原無射
獵王孫那得怨藏弓

其五

一死何辭叫帝闈汝家三世沐深恩男兒不學倉
公女日月終應照覆盆

項羽祠

失道陰陵氣已摧漢兵一合楚雲哀虞姬亦是銜恩
死不爲君王結草來

逍遙臺

逍遙臺上雨初收
風起濠塘二月秋
日暮空城山色滿
白雲如水隔衣流

夢蝶卷

曲陽城頭花未開
漆園夢裏蝶飛來
年年蝶爲春花老
千古莊生夢不回

觀魚臺

魚躍濠梁去復還
乾坤無意水雲閒
莊生自信知魚樂
何用南華著世間

垂花塢

雙樹藤花飛不起
婆娑石塢山門裏
東風吹花花奈
何
片片化爲桐柏水

渡汶河

誰言汶水不朝東
劃地分流九道通
試問天朝飛輓
計何殊神禹鑿山功

汶上道中寄千鱗

幾日東山望未真
只驅羸馬向風塵
誰將馬上春雲
色一寄山中抱膝人

高唐訪友人王琚

沙草萋萋鳴犢河
高唐非復夢中過
君今物外愁何

直學得絲駒不肯歌

花朝飲李子中宅

琥珀波搖金屈卮
平臺風日醉堪持
西來無數嵩雲落
合是三花欲雨時

其二

陌上垂楊青可憐
城頭飛雨澹如煙
誰嗔二月花開晚
只怪吾曹醉不先

歸德署中對牡丹四首

移得名花爛熳開
小亭無客自銜杯
醒時卽恐花相笑
誰見紅顏去復來

其二

十日東風香欲闌
洛城春色病中看
莫教移植平章宅
皓齒纖腰總未安

其三

誰將花貌比傾城
世上虛傳富貴名
露蕊煙梢清署裏
向人無語獨含情

其四

三月羣芳汝亦芳
憑誰呼取百花王
開來不著人間色
落去猶聞天上香

送胡方伯赴陝西二首

三月花如綺花外車塵蔽天起莫教絲竹發秦
聲明日看花人萬里

其二

秦城四塞臨渭水仙掌靈臺碧空倚一片嵩雲逐君
去何人不道函關紫

戲簡魏文啓二首

客子遊梁正倦時鄉心猶恨鴈歸遲倚闥白髮遙相
憶窺戶紅顏總不知

其二

梁苑誰家花滿庭南州豪士眼殊青秋風落葉遍江

路豈是高唐夢未醒

奉送少司馬蔡公赴京營四首

五彩牙幢度鄴臺軍符直向五雲開天京不近烽煙
色樞府今登將相才

其二

笳鼓喧喧出豫州吹臺曾擬望京樓河邊父老看旌
節只道黃河不北流

其三

天王按劍大明宮南走山夷西破戎帷幄坐論司馬
法非君誰得賜彤弓

其四

長安節俠羽林郎日擁瑠戈扈建章天上風雲清警
蹕不妨休馬華山陽

子與助甫送予城南三十里風雨驟至輿馬不
前酤酒田家酣而達曙各賦二絕作跳笑云
八月歸人興欲狂與君騎馬出斜陽張燈索取村中
酒醉殺風雷夜未央

其二

風雨城南萬木秋不辭今夕爲君留凌晨策馬去何
意赤日黃雲處處愁

渡江寄子與

梁王賓客散平臺回首中原事事哀
八月漢江濤似雪分明司馬賦中來

崇安得余德甫憲使訊書奉酬二首

逐客行歌入武夷濛濛雨色萬峯垂
故人何自聞消息尺素先從海上移

其二

九曲溪頭信使來腸如九曲爲君迴
若非一笑清蠻瘴那得三山佐酒杯

憲使新破烏寇遂期予爲三山之遊故云

輓奚仲明

仲明黃岡人爲延平丞嘗守蒲陽遇倭寇所城死之

閩海愁雲黯不飛
莆中萬事已全非
丹心一逐旄頭落
白骨甘從馬革歸

其二

劍化延津君不知
海天雷雨赤龍馳
我來更叱龍爲劍
掛向邾林第幾枝

甌甌洞藻卷之三十一終